

**ISEBE LEMICIMBI YOKUSINGQONGILEYO NOCWANGCISO
LOPHUHLISO
UMTHETHO WOKULONDOLOZWA KWENDALO YESIZWE: UMTHETHO
WEENDAWO ZOLONDOLOZO EZIKHUSELWEYO, 2003
(UMTHETHO 57 KA-2003)
ISAZISO SENJONGO YOKUBHENGEZA INDAWO YOLONDOLOZONDALO
YABUCALA I-GECKO ROCK PRIVATE**

UMphathiswa wePhondo wooRhulumente beNgingqi, iMicimbi
yokuSingqongileyo noCwangciso loPhuhliso eNtshona Koloni (uMphathiswa
wePhondo)—

(a) ngokwecandelo 33(1)(a) loMthetho wokuLondolozwa kweNdalo yeSizwe:
UMthetho weeNdawo zoLondolozo eziKhuselweyo, 2003 (uMthetho 57 ka-
2003) (uMthetho), unika isaziso senjongo yakhe—

(i) yokubhengeza, phantsi kwecandelo 23(1)(a)(i) loMthetho, lo mmandla
ulandelayo njengendawo yolondolozondalo (indawo ekujongwe ukuba
yenziwe eyolondolozo ndalo):

(aa) Intsalela yeFama iZout Kuil enguNombolo 164, emi kuMasipala
iBreede Valley, iCandelo laseWorcester, kwiPhondo laseNtshona
Koloni; ubungakanani: 2210, 5504 (amaWaka amaBini
anamaKhulu amaBini aneShumi khoma isiHlanu isiHlanu iQanda
isiNe) seehekthare; eziphantsi kweNombolo yeSiqinisekiso
soNikezelo loMhlaba engu-T33022/2002;

(bb) Intsalela yeFama iBothas Hoek enguNombolo 165, emi
kuMasipala iBreede Valey, iCandelo laseWorcester, kwiPhondo
laseNtshona Koloni; ubungakanani: 642, 2101 (amaKhulu
amaThandathu anamaShumi amaNe anesiBini khoma isiBini
isiNye iQanda isiNye) seehekthare; eziphantsi kweNombolo
yeSiqinisekiso soNikezelo loMhlaba engu-T46113/2007;

(cc) Ifama iGeckorock enguNombolo 833, emi kuMasipala iBreede
Valley, iCandelo laseWorcester, kwiPhondo laseNtshona Koloni;
ubungakanani: 710, 5875 (amaKhulu asiXhenxe aneShumi khoma
isiHlanu isiBhozo isiXhenxe isiHlanu) seehekthare; eziphantsi
kweNombolo yeSiqinisekiso soNikezelo loMhlaba engu-
T46115/2007;

(dd) Inxalenye 2 yeFama iUitkomst enguNombolo 13, emi kuMasipala
weSithili iCape Winelands, iCandelo laseMontagu, kwiPhondo
laseNtshona Koloni; ubungakanani: 94, 6816 (amaShumi aliThoba
anesiNe khoma isiThandathu isiBhozo isiNye isiThandathu)
seehekthare; e ziphantsi kweNombolo yeSiqinisekiso soNikezelo
loMhlaba engu-T46113/2007,

imida yawo iboniswe kwimephu echazwe kwiShedyuli; kunye

- (ii) nokunika, phantsi kwecandelo 23(1)(b) loMthetho, igama elithi “Indawo yoLondolozondalo iGecko Rock” kwindawo ekujongwe ukuba yenziwe eyolondolozondalo;
- (b) wazisa ukuba le ndawo yolondolozo ndalo imalunga neekm ezingama20 kumzantsi woMlambo iTouws, eyona dolophu ikufutshane, njengoko kubonisiwe kule mephu kwiShedyuli;
- (c) wazisa ukuba iCapeNature ivavanye indawo ekujongwe ukuba yenziwe eyolondolozondalo, kwaye kuyabonakala kolu vavanyo ukuba le indawo ekujongwe ukuba yenziwe eyolondolozo ndalo iqulethe inani leempawu ezenza ukuba ikufanele ukubhengezwa njengendawo yolondolozo lwendalo;
- (d) wazisa ukuba inyathelo ekujongwe ukuba lenziwe ekubhekiswa kumhlathi (a)(i) liyahlangabezana neemfuno zecandelo 23(2)(b)(i) no-(iii) loMthetho, njengoko lijolise ekukhuseleni indawo ekujongwe ukuba yenziwe eyolondolozo ndalo, eneempawu zendalo ezibalulekileyo okanye iintlobontlobo zezityalo nezilwanyana eziphilayo kwaye idinga ukhuseleko lwexesha elide ukuze kugcinwe iintlobontlobo zezityalo nezilwanyana eziphilayo okanye ukubonelela ngempahla neenkonzo zokusingqongileyo;
- (e) wazisa ukuba imixholo yeShedyuli kunye neenkcukacha zovavanyo ekubhekiselwe kulo kumhlathi (c) ingajongwa ku-<https://www.capenature.co.za/protected-areas-and-stewardship>;
- (f) wazisa ukuba uMphathiswa wePhondo akazi, okwangoku, ngawo nawaphi na amalungelo anokubakho okanye umdla woluntu lwasekuhlaleni, okanye abachaphazelekayo ngaphandle komnini wendawo ekujongwe ukuba yenziwe eyolondolozo ndalo, onokuchatshazelwa zizenzo ekujoliswe kuzo ekubhekiswa kuzo kumhlathi (a);
- (g) umema amalungu oluntu ukuba angenise iziphakamiso ezibhaliweyo okanye izichaso ngokuphathelele kwisibhengezo esicetywayo esichazwe kumhlathi (a) zingekapheli iintsuku ezingama-60 ukusuka kumhla wokupapashwa kwesi saziwo kwiGazethi yePhondo ngoku—

- (i) zithumela ngeposi iziphakamiso okanye zichaso ku-:
 - Gqr Ashley Naidoo
 - IGosa eliyiNtloko leSigqeba
 - INGqale kuNks. Kaylin Reid
 - CapeNature
 - Private Bag X29 Gatesville 7766;
- (ii) zisa ngesandla iziphakamiso okanye izichaso ku-:
 - Nk-s. Kaylin Reid
 - UMcebisi wezoMthetho
 - CapeNature
 - kwiKona yeSitalato iBosduif neVolstruis
 - eBridgetown
 - Athlone; okanye

(iii) zithumela ngeimeyili iziphakamiso okanye izichaso:

kreid@capenature.co.za; kwaye

(h) umema abantu abanomdla okanye abachaphazelekayo ukuba, kwiimeko ezifanelekileyo, bathumele iziphakamiso zomlomo okanye izichaso kuMphathiswa wePhondo, okanye kumntu otyunjwe nguMphathiswa wePhondo, kwixesha elichazwe kumhlathi (g).

Iziphakamiso ezibhaliweyo nezichaso ezifunyenwe, okanye iziphakamiso zomlomo okanye izichaso ezifunyenweyo, emva komhla wokuvala zinokungahoywa.

Imibuzo ingabhekiswa kuNkos. Kaylin Reid ku087 087 4102.

ISHEDYULI

IMEPHU

(Umhlathi (b))

